



舊刻府志序



正德七年壬申八月予以戶

曹屬被



命知鎮江府維時其府推官史

君宗道考績寓京師歸府志

一冊閱之所載視日錄甫什

府志序

一

一蓋先是史君嘗重纂此書

至是以所脫稿就正於罷先

達冢宰邃菴楊公宗伯介菴

靳公二冊首刻也無何史君

擢給事中南京予至郡忽半

載邃菴公以書督予曰郡志

盛舉也無因循廢閣以委勞  
於後之人且恐愈遠愈失文  
獻將無所於徵矣迺就史君  
請故草全帙命工足之自疆  
域至函管凡九卷爲舊刻自  
學校至雜紀凡二十三卷爲

今刻其文惟人物卷予嘗與  
今推官黎君乾德間有補擬  
餘則皆因其舊也予惟鎮江  
古京口也其地在史冊不一  
書雖不志天下能知之然欲  
卽顯而要其微循槩而舉其

悉則非全志不可今觀是編  
筆力所詣造物以來所以鍾  
美於此者山川聖賢與夫草  
木昆蟲該括無復遺憾然則  
仰承于古之人與夫佑啓于  
將來得以據考循索搏節範  
圍以爲政與教於無窮其益  
之大豈特一郡之籍而已哉  
雖然予抑有感於斯夫志備  
忘也物理雖博人道其要也  
人之言曰事親之道衰而後  
有孝者傳事君之道衰而後

有忠者傳然則持其可傳者  
而喜得不追其不可傳者而  
悲哉嗚呼士君子之生與吾  
徒之吏於斯將使後之人傳  
之耶抑將止於斯而不傳耶  
是爲序

府志

序

四

正德癸酉秋九月之吉龍溪

林魁撰

重脩鎮江府志叙例

紀傳表志乃國史之體郡邑有志固亦郡邑之史然既以志名則紀表列傳皆非所宜施于郡邑也今悉從志體其目如左

秦罷侯置守始更國為郡漢雖郡國兼置國亦郡也

州本統郡後代罷郡以州統縣則州亦郡矣自是曰

州曰軍曰府名雖不同實皆郡也作郡邑志

城池坊  
港塘壩

岷山脉盡于建康江流環之京口當江欲入海之處

逆江而上皆山也金焦屹立乎中流北固雄障乎一

府志叙

面江山之勝建康之亞江表之門戶也作山川志

津梁

周禮司民掌登萬民之數自生齒以上皆書于版異

其男女歲登下其死生此戶口版籍之始歷代戶口

升降之數其載于史策者可考而知也鎮江自國

初以五府興王之地復其民如漢豐沛休養生息餘

二百年于茲固云盛矣然而路衝役多按其籍知其

富庶之什不及一千三吳也作戶口志

鎮江與蘇松常三府雖並列而賦役之制不盡同其

與應天等五府初雖以興王之地民田免稅而自官

民一則之後民田之賦固亦不輕矣巡撫歐陽公宋  
公周公李公朱公趙公相繼講求定爲經制民以爲  
便後之君子尙有所考信焉作賦役志

民政旣列次以官守官以代殊人以年叙治行可紀  
者卽記其實亦記其終以見名臣顯烈多自親民始  
也作官守志

公署學校祀  
典武衛附

官守旣列次以士品入仕之門其凡有九文武具是  
矣古今取士人品科目元爲一途其人其終皆于始  
進卽紀其實雖宗臣元德不別爲之目而名實相附  
監勸自存貢舉之所不盡括以二端冠之以古先賢

府志

叙

二

哲終之以隱德諸人而士品畧盡矣列女附載類難  
棄耳作士品志

邦之典故徵于文獻文乃事傳載乃言立此辭翰之  
所以有志也非關于一方者不錄非關于世教者不  
錄山川題詠已附山川之下者不錄作辭翰志

周職方掌九州之圖使同貫利自其人民與其財用  
以至九穀六畜之數要無不周知揚州其利金錫竹  
箭其畜鳥獸其穀宜稻此物產之所以有書也京口  
瀕江近海其人力耕稼亦事居貨以爲生問俗者將  
有考焉而草木禽獸虞官所掌亦博物君子所不廢

也作物產志

志之餘有八焉曰古蹟曰宮室曰陵墓曰寺觀曰僊  
釋曰方伎曰祥異曰雜論作雜志

萬曆二十四年歲在丙申秋七月甲午

賜進士資善大夫南京都察院右都御史致仕郡人王  
樵謹叙

府志

叙

三



府志圖

府志

興宜之陵兜抵東

表一百六

旦一區車  
圖十二

表一百六

屬郡

陵廣抵北



進武之


城 郡




西抵金陵之句每  
廣四百七十里



署郡



府志



總

衙

通判衙

府志

廣慶堂

堂

堂

理州衙

理州廳

西角門

府門



公報堂

縣署

千秋臺

舖

府志圖終



重修鎮江府志卷之一

郡邑志

建置沿革

鎮江府在禹貢周職方為揚州之域天文斗分野春秋時為吳地吳亡屬越越亡屬楚秦併天下為會稽鄞二郡之地自句曲以西屬鄞郡以東屬會稽郡漢初高帝封其從兄子賈為荆王都于此賈死以封沛侯渙為吳王渙誅以其地屬江都國國除復屬會稽郡東漢屬吳郡建安十四年孫權自吳徙治丹徒號曰京城十六年遷都建業復於此置京督為重鎮焉

府志 卷一

乙

按圖經曰其城因山為壘於江為境爾雅曰丘絕高曰京國謂之京口京口之得名當以此為定說京有人力所為者公孫瓚易京是也有非人力所為者樂陽京索是也吳志孫策使林河領兵屯京地又云魏滅霸以輕船襲徐陵皆指此地而言此京非人力所為也

晉平吳為毘陵郡地

晉地理志吳分會稽無錫以西為屯田置典農校尉

太康二年省為毘陵郡統丹徒曲阿武進延陵毘陵

暨陽無錫七縣



永嘉五年改爲晉陵郡徙治丹徒

元帝渡江都建業乃於京口僑置徐兖州後雖徐州或鎮下邳或鎮盱眙姑孰皆置留局于京口時號爲北府時兖州淪沒徐州所得惟半流人渡江淮者並立僑郡縣以收撫之徐兖二州或居江南或居江北互見元和郡縣圖志寰宇記姑孰志

宋元嘉中以南徐州治京口又置南東海郡隋廢州及郡爲延陵鎮屬蔣州開皇中改置潤州尋廢爲延陵縣寰宇記開皇十五年罷延陵鎮以蔣州之延陵永年常州之曲阿三縣置潤州于鎮城蓋取州東潤浦以府志卷一

立名大業三年廢爲江都郡之延陵縣

唐武德初復曰潤州天寶初改曰丹陽郡乾元初復爲潤州又陞爲丹陽軍建中初改號鎮海軍宋開寶末改鎮江軍政和中以徽宗潛邸陞鎮江府元改鎮江路屬江浙行省

本朝初爲江淮府後改鎮江直隸京師領縣三丹徒丹陽金壇

丹徒縣附郭本吳朱方邑地春秋左氏傳齊慶封奔

吳吳子予之朱方說者以爲朱方卽今丹徒朱方實

止一邑之地止當繫之丹徒邑名之下不當繫之京

口郡名之下也地理志言秦時望氣者云其地有天  
子氣始皇使赭衣徒三千人鑿坑以敗其勢丹徒之  
名以此漢爲丹徒縣屬會稽郡後漢屬吳郡三國吳  
改武進縣晉復爲丹徒置毘陵郡宋爲南徐州治所  
隋省入延陵縣唐復置屬潤州宋元屬鎮江本朝  
因之編戶二百七十里

丹陽縣在府治東六十四里本秦雲陽縣始皇鑿北  
岡使其阿曲改名曲阿縣漢屬會稽郡後屬吳郡三  
國吳復改雲陽晉復改曲阿屬毘陵郡梁屬蘭陵郡  
隋屬江都郡唐武德初於縣置雲州又因其地有簡

府志

卷一

三

四

瀆改簡州尋廢州以縣屬潤州天寶初改名丹陽縣  
丹陽本郡名漢治宛陵晉治秣陵字從阜者謂北有  
赭山字從木者謂山多赤柳晉丹陽郡屬縣有丹陽  
五代徐知誥遷楊溥于潤州丹陽宮可考者僅此大  
抵天寶以後謂丹陽者潤州或曲阿非二漢六朝之  
丹陽也宋元仍舊本朝因之編戶一百六十里

金壇縣在府城東南一百三十里本秦曲阿縣之金  
山鄉漢屬會稽郡東漢屬吳郡隋初屬蔣州大業末  
置金山縣唐初屬茅州尋屬蔣州又併入延陵縣後  
復置又以東陽郡有金山縣改此爲金壇取邑界曲

阿之山金壇之陵以爲號真誥引河圖曰乃有地肺  
立良水清句曲之山金壇之陵宋元仍舊 本朝因  
之編史百三十六里

城池

郡城周廻二十六里十七步高一丈九尺創築不知所

始三國時吳目爲京城孫韶代伯父河守京城嘗繕

治之晉宋以來因而不廢唐大和中觀察使王璠始

鑿外隍乾符中周寶自杭徙鎮築羅城二十餘里

國初下郡時元帥耿再成重立城隍闢四門東曰朝

陽南曰虎踞西曰金銀北曰定波并南北水關凡六

府志 卷一

四

洪武元年起麗譙于門上萬曆十二年知府吳撫謙

于府後附城築垣與城齊以衛府治郡人李一陽記

詳所始自吳大帝築于城控扼南北號曰鐵甕規制

宏壯爲建業籓籬迨今則已湮沒于荒墟斷隴荆棘

草莽間莫可問矣 高皇帝師入建康命泗國耿武

莊守潤孟樹支輔以過東兵武莊請因六朝舊城稍

缺之甃以磚石自是雉堞巍然稱江南最乃府治獨

當城東北世廟未島夷亂海上俄突至潤當畢者

無所出唐辛驅丁壯築隴北固嶺距城自守賴 國

家感適去得無事乃城中士女窘甚業幾荷

擔重足癸未夏臨川吳公自南比郡尚書省郎

天子解以二千石印綬來守潤甫入境環城四履嘆

曰王公設險以守國自古記之別潤當南北衝途

江海天下日有事必先諸郡受兵奈何使城無屏

蔽府治孤危爲異日患且坐令倉入子日夕從高牆

疑我露實無忌憚心郡太守坐制千里專城之謂何

乃謝國之疎也即日大書部使者請得出帑金築內

垣以預系土部使者大是具議公遂檢帑中兵費及



四府協濟餘貲約可以百金召工指授學畫環府治後因故城垣築石垣起東西角樓計長二百一十丈有奇高可丈許左右構鈴閣如角樓制扁其東曰日精西曰月華諸守陴邏率往來行夾道中外有所懸以拒敵而內不得以窺府治遠近望之若重城然工始于某月某日訖于某月某日蓋勞費一不及民而萬世之衣衾備矣士民方鼓舞頌德會公以制西歸二守西原高公謂公功不可忘也則馳書白下問記於予予曰思深哉公之福吾潤也今聖明在御海內寧謐學士大夫席恬養熙熙以為高城深池無當於禮樂遂一切弁髦金湯之說而非咲之嗟嗟彼獨不聞古帝王經世畧乎周禮掌固掌修城郭溝池樹渠之固其職甚詳而且甚倘誠慎之也春秋襄公二年書城虎牢虎牢鄭地而不係鄭說者以為譏鄭之失險若曰鄭有虎牢不能守使敵得以城之則虎牢非鄭有也云爾潤擁鐵甕之固惟於六朝以至今日奚啻虎牢矣藉令天下常無事坐視藩垣卑弱為掌固於有司則是垣之有功於潤豈淺鮮哉公守潤總諭年善政多可書此獨記建內垣故他不及詳乃公開

府志 卷一 五

而且辭謝曰是何言寧使吾民無所事吾垣終不能令天下有事使垣為吾重也予聞之益媿服曰厚矣仁人長者之言當與此垣 二十一年周廻城垣復加俱不磨矣因併書之記

高三尺迤北附垣增建虛臺一與北固山相對

子城并東西夾城共長十二里七十步高三丈一尺子

城吳大帝所築周廻六百三十步內外皆甃以甃號

鐵甕城晉郗鑒嘗修之王恭更大有改創南唐刺史

林仁肇復修之東西夾城則唐所築也

丹陽縣城舊址周五百六十步高一丈五尺四面無濠

卽古簡州城也祥符圖經或云周廻三里上多古木咸淳志

東門在斜橋西門在縣前南門在草堰北門在觀音

山元以來久廢嘉靖乙卯知縣陳奎始築內城周千丈徑三百三十三丈有奇高二丈二尺厚約十丈四面各開一門上施樓櫓東曰通漕西曰望京南曰迎

薰北曰鎮湖又於通漕門之右開水關石開一郡人

記丙辰知縣史永壽復作外城內城止河以西凡河東並漕渠一帶俱在

城外是年夏寇大至焚劫至憐民復告築云接內城跨漕河延袤十餘里

至是始合內外城爲一萬曆戊子冬知縣周應鰲濬

外濠自南迄西深二丈五尺廣十一丈亘八里前此濠淺

漕渠貫城中水行者必由之又雲陽驛在城內官廳書夜經過莫可兩禁水關或徹曉不得鑿於備禦非

宜議者謂宜浚外濠加深令可通漕舟而移驛於西門外俾無非時欵關之誦值是歲飢凶興工以聚矢

府志 卷一 六

業計共用夫一萬三千九百有六每名給穀二斛爲工值又請河工銀二千五百六十兩有奇抵在工人當年所派徵徭里之數起十月盡十一月而戒詳具姜宗伯所作新驛記中

金壇縣城周七百步高一丈五尺唐長壽元年築萬歲

通天中甃以甃門十有一東二曰唐安曰東水南二

曰南昌曰招賢西曰梓墟北曰丹陽東南二曰日車

曰新興東北曰下塘西南曰朝真西北曰西水歲久

廢爲平地正德壬申知縣董相始築土城周千二百

四十二丈高二丈下濶三丈上半之濠周於城東廣

二丈深一丈西廣一丈五尺深八尺闢門六東曰通

吳南曰平湖西南曰迎輝西曰望山西北曰丹陽北

曰望潮并南北水關皆鑿以石

上各有樓劉天和書扁下各跨濠為橋

乙亥知縣劉天和以關基不固又改築之嘉靖甲寅

知縣趙圭始甃以甃疊石為基周千二百三十四丈

四尺高二丈六尺萬曆乙酉知縣許弘綱復改築兩

水關高廣加於昔

邑人王樵記

呂城在丹陽縣東五十四里吳呂蒙所築遺址尚存鎮名

取此

劉繇城在丹陽縣西南二百四十步漢末繇自揚州徙

治曲阿時所築

元和郡縣圖志繇來建城孫策東渡繇奔豫章

雲陽東西城在延陵鎮瀆南

鎮即故延陵縣二城相去七里當丹陽句容分界之

府志

卷一

七

仲

所即吳楚之境也吳赤烏前已有之見建康實錄

湖口城在長蕩湖口泰始中庾業築

業與義興太守劉延熙合于湖口夾

岸築城制遣沈懷明等東討督護任農夫助之自延陵出長蕩力戰業棄城走

莊城在天荒蕩東北○碁母潛送儲十二還莊城詩西

坂河繚繞青林問子家天寒噪野雀日晚度城鴉寂

歷道旁樹曠曠原上霞茲情不可說長恨隱淪賒

荆城在白鶴溪口未詳所築

浦西兩壘在郡城西十八里晉郝鑿築

輿地志下鼻浦在城西十八里

北入江鑿于浦西築兩壘

大業曲阿慶亭三壘俱在丹陽縣境郝鑿所築

咸和元年鑿荆

徐州蘇峻反鑿立三壘以拒賊詳見武備

曲阿長岡二壘齊永泰初築王敬則反前鋒奄至曲阿五月詔左興威劉山穆胡京口路敬則急攻興威山陽二壘軍各死戰敬則大敗

郡城

仁和坊 二黃祐坊 一善濟坊 二仁安坊 二寶城坊 懷

德坊 市西坊 儒林坊 治安坊 忠祐坊 文

昌坊 白馬坊 大園坊 雲山坊 西津坊 虎

踞坊 登雲坊 岳祠坊 鴻鶴坊

大市 小市 馬市 米市 菜市 中市

府志 卷一

鳳皇街在府治南萬曆癸巳知府王應麟塞府灣路鳳皇街始通行 五條街 十字

街 上河街 下河街 稅務街 屏風街 新街

九里街

章尚書巷 顧著作巷 雷太尉巷 吳司馬巷 劉

巡檢巷 滕八郎巷 張四娘巷 黑哥哥巷 袁

郎巷 殷織紗巷 周豆腐巷 烏馬兒巷 湯家

巷 刁家巷 洪家巷 封家巷 車家巷 王家

巷 姚家巷 南寺巷 保福寺巷 延慶寺巷

彌陀寺巷 靜明寺巷 東觀巷 西觀巷 真武

道堂巷 廟便巷 萬壽宮巷 白馬廟巷 城隍

廟巷 五聖廟巷 雙廟巷 清河樓巷 清風樓

巷 荷花樓巷 蕭間堂巷 正賜庫巷 三重門

巷 糯米倉巷 舊縣衙巷 木場巷 南瓦子巷

北瓦子巷 新瓦子巷 針子橋巷 栢家橋巷

道人橋巷 花園巷 四花園巷 豆園巷 東

草巷 西草巷 東山草巷 槐樹巷 竹竿巷

小竹竿巷 饅頭巷 湯團巷 果子巷 泥巷

水巷 石灰巷 堰巷 堰軍巷 石頭巷 市河

巷 臭河子巷 烏盆澳巷 冠子巷 斗笠巷

腰帶巷 木杓巷 布袋巷 蘆蓆巷 琉璃巷

府志 卷一 九

香餅子巷 磨刀巷 殺猪巷 搏馬務巷 雞鵝

巷 大馬巷 小馬巷 獅子巷 大井巷 雙井

巷 井子巷 隆巷 長巷 文昌巷 洪街巷

夾道巷 八摺巷 千石墟巷

丹陽縣 立道坊 福安坊 輔德坊 文明坊 朝陽坊 德

厚坊 嘉賢坊 和豐坊 迎恩坊 澤民坊

居仁街 義街 縣前街 後街

張通判巷 鍾家巷 韋家巷 南草巷 火巷 西

市 談家巷 淹子巷 北草巷 麻巷 上河

頭巷 紀索巷 香岩巷 明倫坊巷 宗巷

頭邵巷 雙井巷 西巷 新巷 普寧寺前南巷

金壇縣

市東坊 積善坊 濟川坊 清河坊 大市坊 小

市坊 通觀坊在縣東南 袞繡坊 敬義坊 旌英坊在

縣治 市西坊 通津坊 里仁坊 巨川坊並在縣

鳳沼坊 義榮坊 雲津坊並在縣 路川坊 德化坊治西南

進賢坊 文林坊並在

莊家巷在縣治 譚家巷 吳家巷並在縣 鄭家巷在縣

李千巷在縣治 朱兒巷在縣治 後趙巷在縣治 廟巷在縣治

府志 卷一 十

在縣治 師姑寺巷 古鎮巷並在縣 墻壁巷在縣

梔子巷在縣 官井巷在縣 北竹木巷在縣

鄉都

丹徒縣舊七鄉熙寧中益以故

崇德鄉在縣南都三里十五

五都 六都 七都

永安里 受遇里 祿城里 崇仁里 寶鏡里 從

福里 禮賢里 保經里 明宿里 白兔里 古

福里 求仁里 安樂里 新豐里 居仁里

大慈鄉在縣東南都三里六

二都 七都 八都

守信里 烏洲里 大慈里 馬蹟里 仁太里 謙

仁里

長樂 鄉在縣西南都二里村十九

二都 十四都

萬史里 擊壤里 長山里 司豐里 黃緒里 村

保里 新安里 支化里 東蘆里 永興里 蜚

蘆里 長壽里 上時里 奉時里 力莊里 越

貢里 修仁里 包莊里 東莊村

義里 鄉在縣西都二里十五

府志 卷一

三都 十三都

石門里 嚴莊里 茆司里 清泉里 儒風里 檀

山里 奉天里 招賢里 梅墟里 黃山里 高

資里 香山里 湖泉里 唐家里 望儒里

丹徒 鄉在縣東都二里七口 此鄉及京口里名最古後京口不復為里惟鄉名尚存耳

十都 十一都

洪善里 向善里 崇賢里 洞儒里 袁家里 上

令千里 下令千里

平昌 鄉在縣東南 舊隸丹陽縣後以練塘鄉易之 都一里 保二十六

十二都

唐村里 福善里 永平里 歸政里 建善里 崇

孝里 金牛里 宣孝里 市化里 敬順里 會

善里 縫城里 長尋里 平昌里 吳村里 後

賈保 東武保 劉村保 嚴村保 譚巷保 馬

巷保 戴巷保 長春保 感應保 水西保 連

環保 本都今十六里

高平鄉在縣西南都二里十一

十五都 十六都

高來里 同德里 興業里 憑信里 會奉里 辭

仁里 慈子里 時魚里 得仁里 莫村里 風

府志 卷一

仁里 今散為村三十七皆非故名

洞僑鄉在縣西南都四里保村十一

十六都 十七都 十八都 十九都

曲陽里 櫃村里 塔山里 李莊里 唐莊里 八

福里 湯湖里 胡莊保 赤岸村 官莊村 棚

田村 今散為村九尚多故名

丹陽 縣舊十鄉宋蓋以延陵之壽安太平為十一後又

練塘 鄉在縣西故屬丹徒後以平昌易之都二里六

都 二都

里 秦福里 胡陸里 德安里 崇信里 東



村里今散為村保四  
十餘皆非故名

壽安鄉在縣西南都二里保村二十

三都 四都

顏村里 張村里 台莊里 韋莊里 楊莊里 於

莊里 香莊里 丁莊里 尤驅保 李越保 荻

塘村 新埭村 埠頭村 永昌村 西幕村 西

賀村 東賀村 九里村 後韋村 舊縣村今散  
為村

四十四  
有故名

太平鄉在縣東南都三里保村十六

五都 六都 七都

府志 卷一 十三

莊村里 窟村里 歐村里 王村里 曹村里 街

東保 城西保 西周保 河東保 羊城村 黃

岡村 柳花村 麥埤村 安息村 楊安村 松

北村今散為村六十  
七間有故名

石城鄉在縣南都三里保二十

八都 九都 十都

懷忠里 致光里 仁明里 厚教里 禮洽里 寶

龍里 通津里 閭塘里 竹塘里 葛城里 修

範里 丁儀里 宣光里 石城保 安仁保 湯

莊保 長樂保 闕塘保 珥村保 黃堰保今散  
為村

五十五圖  
有故名

高牧鄉在縣東南都二里保十

十一都 十二都

元善里 高君里 丁珥里 丁儀里 老村里 尚

武里 西陽里 雙溝保 通利保 前村保 今散為村

六十餘間  
有故名

桂儒鄉在縣東南都二里保村二十

十三都 十四都

奉宗里 道德里 新興里 勸善里 永定里 後

湖里 積善里 東陵里 永業里 順義里 徐

府志 卷一 十四

村里 通軌里 江村保 戴村保 滕莊保 蔣

墅保 蔣頭保 丁橋村 今散為村五十九間有故名

永和鄉在縣東都一里村保六

十五都

東陵里 厚教里 柵口保 唐興保 大華村 上

壽村 今散為村二十  
五惟柵口故名

永濟鄉在縣東 舊名永安 都三里村十五

十六都 十七都 十八都

新林里 東陽村 小利村 博望村 柵塘村 曲

水村 費莊村 寶莊村 謝莊村 張莊村 朱

莊村 觀莊村 徐况村 塘溝村 利溝村今散

百一十有奇 間有故名

仁信鄉在縣東北都二里保十

十九都 二十都

仁信里 厚愛里 開元里 索莊里 理善里 萃

聖保 陳山保 順志保 苧村保 張村保今散

三十八間 有故名

上德鄉在縣東北都二里保二十六

二十一都 二十二都

荆室里 永定里 東保里 邵塘里 豐寧里 津

府志 卷一

化里 咸通里 貞墳里 通泉里 建寧里 祈

欽里 景陵里 永樂里 經門里 李城里 荆

村里 華店保 長慶保 吳村保 邵莊保 瓜

渚保 東泊保 西泊保 夏墅保 彭皇保 上

烏保今散為村三十 八間有故名

金壇縣舊七鄉宋益以延陵 之上元孝德為九

唐安鄉在縣東唐武德初置縣 時即有此鄉 都四里十六

一都 二都 四都 五都

感化里 仁義里 慕豐里 勤學里 廣業里 大

成里 唐新里 昌年里 臨窠里 欽定里 能

起里 希遊里 新興里 永樂里 豐熟里今散為村

莊巷四十七皆非故名 忠信里

禮智鄉在縣東都二里十四

三都 七都

懷德里 長樂里 金壇里 宣豐里 仁豐里 勾

龍里 開善里 堂儒里 惟新里 雲亭里 永

樂里 募農里 安定里 化農里今散為墟村皆非故名

金山鄉在縣東南都三里十七

六都 八都 十二都

花曦里 仁壽里 永定里 勾龍里 萬春里 富

府志 卷二 十六

教里 金堂里 上嚶里 孝悌里 大林里 孝

全里 西大林里 宣豐里 仁曦里 鳳化里

新曦里 花農里今散為村莊二十四尚有故名

大雲鄉在縣東南都三里九

九都 十都 十一都

開元里 孝悌里 仁孝里 章昌里 新繁里 守

教里 履信里 莊亭里 化豐里今散為村莊十皆非故名

登榮鄉在縣東舊名登龍都五里八

十三都 十四都 十五都 十六都 十七都

積善里 洪教里 廣業里 折桂里 賢德里 符

山里 新興里 花農里 今散爲村莊二  
十三皆非故名

遊仙鄉在縣西南都八里三十一

十八都 十九都 二十都 二十一都 二十二

都 二十三都 二十四都 二十五都

白鶴里 至道里 凌至里 勸善里 文德里 方

山里 厚教里 墩貳里 長寧里 善鄴里 漢

導里 崇遵里 新安里 識扶里 崇教里 上

賢里 東陽里 曼鎮里 飛望里 金臺里 黃

玩里 廣業里 擇善里 龍泉里 護符里 時

雍里 護浮里 五經里 茂農里 丹陽里 玉

府志 卷一 十七

京里 今散爲村莊數  
如舊皆非故名

三洞鄉在縣西 取仙山之  
三洞爲名 都七里十九

三十都 三十一都 三十二都 三十三都 三

十四都 三十五都 三十六都

荆溪里 青鸞里 祥鶴里 碧落里 三茅里 丹

鳳里 隱居里 洞亭里 石鎮里 青童里 金

亭里 白鹿里 侯宅里 節義里 懷仁里 大

臣里 重虛里 風化里 王京里 今散爲村莊巷  
四十三皆非故名

上元鄉在縣西都二保村十

二十五都 二十六都

五里保 張莊保 倪莊保 丁莊保 西楊村 倪

亭村 後期村 下丈村 柵口村 徐村今散為村數如

舊間有故名

孝德鄉在縣西都三里村十一

二十七都 二十八都 二十九都

高村保 老莊保 黃土保 盤石保 前丁保 莊

城保 迪莊保 鄒莊保 謝亭保 南村 姚村

今散為村莊三十二間有故名

沙

藤料沙去城六十里

府志 卷一 文

高家沙去城二十五里

小沙去城二十五里

開沙去城二十里今土人稱曰大沙

吳家沙去城六十里

當江沙去城七十里

王團沙去城七十五里

張珪沙仁濟沙並在丹陽縣東北七十里

鎮

江口鎮附城隸丹徒縣

丹徒鎮在縣東十五里宋雍熙四年置

新豐鎮在縣南四十五里

陸游曰李太白詩南國新豐酒東山小妓歌又唐人詩

入新豐市猶聞舊酒香皆謂此非長安之新豐也

大港鎮在縣東南四十里

丁角鎮在縣西南七十里

高資鎮在縣西四十里

延陵鎮在丹陽縣南三十五里

此曲阿之延陵鄉非古延陵也詳見沿革

呂城鎮在縣南五十里

宋雍熙四年置

丁橋鎮在縣南六十里

珥村鎮在珥瀆河西岸

埤城鎮在縣東北五十里

府志卷一

七

郭下鎮在金壇縣南一里

今廢

丹徒義塚

一在虎踞坊一在岳祠坊一在大園坊一在高資鎮

一在新豐鎮一在大港鎮一在京口閘外以上七

處俱萬曆中知縣龐時雍創立各植柳百餘俱有四

至石柱碑碣

重修鎮江府志卷之二

山川志

山

丹徒諸山

北固山 在府城北一里府治後下臨揚子江郡南有

長山者發自天目屏風三茅至銅坑東卸而來勢甚

高延袤數里東行爲馬鞍迴龍諸山又迤邐而北至

于釜鼎京峴京峴之中抽而右折結爲郡治郡之北

特起爲此山劉攽京口記及水經注所謂別嶺入江

者也李德裕亦謂北固乃京峴之一支耳其餘又轉

府志 卷二

南爲土山業然隆起晉唐以來郡治皆據其上三面

臨水迴嶺斗絕勢最險固故名北固梁高祖曰作鎮

作固誠有謂然北望海口實爲壯觀以理而推宜改

爲顧望之顧蓋實郡之主山也晉謝安蔡謨皆於山

上作庫以儲軍資甘露寺實據其上詳西有五聖巖

秋月潭宋嘉定中郡守史彌堅因山趾陂澤疏爲是潭以藏舟楫江巖石間有舊刻秋月潭二字

國初高廟擒僞吳西北有觀音洞走馬澗澗東有

海涵河其流俱入于江澗之上有橋曰柳溪寺中有鰻井

鰻擊井得鰻高廟駐蹕時見山寺下西南有天津泉汲水題句云北露生泉

既而僧善觀下無對者永樂中命取御筆歸禁中銀石灘有光景橋之得美泉因取天



亭名之建 **鳳凰池** 上有宋淮海書院址 高廟嘗

守業守 **南有狼石** 石形如羊相傳漢昭烈吳大帝嘗

云石云已久寺僧輒取一石充數游客 **北有甘露港**

南通上河北入大江宋轉般倉 **港有上下閘皆以甘**

實依此以立史彌堅嘗浚治之 **藏舟縱可百十餘丈**

宋咸平中郡守趙 **山之西南有栲栳閘** 宋淳祐王寅

潛創國朝改今名 **兩傍有甘露**

自子城至北湖山下寺之棟宇幾沒郡 **有甘露渡**

**跨鼇門** 俱史彌堅以泄水勢寺以無患 **下有甘露渡**

有之劉展叛江淮都統李煜潤州刺史 **下有甘露渡**

韋儂屯京口關北因山址為兵場即此 **下有甘露渡**

唐孟浩然詩北固臨江口夷山對海濱 **下有甘露渡**

江風白浪起愁殺渡頭人正頭此渡 **下有甘露渡**

**府志** 卷三 **二**

則嘗登北固望海云雖未觀三山便使人有凌雲之

意若秦漢之君必當褰裳濡足○謝玄與兄書云居

家大都無所為正以垂綸為事足以永日北固山下

大有鱸魚一手釣得四十九枚○輿地志云天景晴

明登之望見廣陵城如在青霄中○謝靈運從遊京

口北固應詔詩玉璽戒誠信黃屋示崇高事為名教

用道以神理超昔聞汾水遊今見塵外鑣鳴笳發春

渚稅鑿登山椒張組眺倒景列筵囑歸潮遠巖映蘭

薄白日麗江皋原隰萋綠柳墟園散紅柀皇心美陽

澤萬象戎光昭顧已狂維繫撫志慙場苗工拙各所

宜終以反林巢曾是縈舊想覽物奏長誦○唐吳筠  
登北固山望海詩此山鎮京口迥出滄海涓躋覽何  
所見茫茫朝夕馳雲生蓬萊島日出扶桑枝萬里混  
一色焉能分兩儀願言策煙駕縹緲尋安期揮手謝  
人境吾將從此辭○王灣北固山下詩客路青山外  
行舟綠水前潮平兩岸潤風正一帆懸海日生殘夜  
江春入舊年鄉書何處達歸雁落陽邊○竇常北固  
山晚眺詩水國芒種後梅天風雨涼露蠶開晚簇江  
燕語危檣山址北來固潮頭西去長年年此登眺人  
事幾消亡○宋王存詩晚登北固頂俛視南徐城廢

府志

卷二

三

壘何茫茫山川廻縱橫千載競誰有六朝空戰爭豪  
氣不可問古墳人正耕○國朝湯胤勳詩夢回天外  
乳蒲牢勢接山城鼓角高野竹蘄風寒犬吠江楓落  
月曉烏號梁皇北顧懷何壯李相南營思亦勞坐待  
海門紅日上點然千里見秋毫○楊一清詩北固山  
頭甘露寺亂藤深竹幾多年江南江北兩岸景城外  
城中萬井煙霜露不凋棲鶴樹風波徒羨打魚船向  
來山水留題處此是人間最上禪 又地迴樓臺出  
半空固知開鑿自洪濛望窮江海朝宗處身在鳶魚  
俯仰中僧定不知批率雨我來偏得舞雩風祝融莫

漫憎多景至巧終難奪化工○王臬同吳相士登北  
固山詩其一云爲憶東林勝來登北固山清風如有  
約斜日尚忘還辨樹迷江色看碑滯蘚斑且勤雙碧  
眼爲我歷圓間其二云劃開從浩劫怒氣隱風雷勝  
據三吳會源從萬里來波閒鼉出沒日落鳥遲迴意  
在游觀外傍人莫浪猜○張祥鸞北固山亭秋望詩  
孤峯縹緲赴江天白石江亭樹杪縣一道澄波開斷  
壁千秋黃葉下寒煙鵬盤寥廓秋風急山闕東南落  
日圓萬里中原勞北顧蕭梁陳迹酒榭前

壽丘山 在府治西南宋武帝徵時宅基也帝既卽位

府志 卷二

四

築丹徒宮後建慈和普照雲臺諸寺有壽丘司徒廟  
宗忠簡公祠今爲四賢祠南麓有龍華寺卽其址建  
丹徒縣儒學

唐頽山 在府治西南有羅漢寺有五通廟有風漪軒  
○宋蘇庠詩云竹陰旣疎明流泉復清駛佳響聞山  
禽涼風澹然至幽人此安禪閱世一嬉戲何必周八  
垠是中有能事

日精山 在府學內上有日觀遺址

月華山 在府治西南有月臺遺址一名萬歲山

所始晉刺史王恭初建萬歲樓於其上按地輿志此

樓常欲飛向江外以鉄鎖縻之方止蓋勝蹟也至唐  
猶存唐諸聞人多所題咏宋初呼爲月臺後改月觀  
亦未詳更名之自紹興戊午郡守劉岑復加修創汪  
藻爲之記其後歷時遠久樓遂傾壞至我 國朝但  
餘荒址蹟盡爲之蕩滅止存祠二一祀宋范文正公  
一祀純陽仙長丹徒令荆時薦爲題曰仙祠曰瑤臺  
玄圃天啓乙丑郡守賀仲軾因按往蹟闡秦苴蕪修  
復勝槩乃於山隈構樓規制可與晉宋埒併題其上  
曰異境初開巡漕御史喻思恂題曰德星聚處漕儲  
按察使朱國盛題曰瓊樓高處樓前南面飛臺特出  
額曰月華臺樓後循高而上因山爲臺廣可數十步

府

志

卷二

十四

高與樓等圍以朱檻題曰古月華山曰政間小適其  
上則烟月橫披江濶飛繞樓之前東有月華新泉西  
有月華樓記碑石各爲亭以覆之記乃巡漕御史喻  
思恂作樓西仍設祠以祀呂仙因其地隘於門外稍  
南更立祠以祀范文正公樓正南面循徑作坊題曰  
潤城佳地外垣之東南隅設大門以便閑蔽額曰月  
華仙苑樓後東隅構室三間使便游息者茶火是樓  
經始於天啓乙丑 月 日落成於是年 月 日

云

淮安沈祖稷記

京峴山

在府城東五里卽秦所鑿泄王氣處類集云

京鎮京口因此得名京或作荆

唐顯雲隋司徒廟碑地控金甌城障鐵齋

山分荆峴水接蓬瀛曾蛟注鮑照

又云京峴二山

宋

陽春登京口行云京一作荆非存與才經臣詩二載京峴居過從不獲

屢注云京峴乃潤之二山世以爲一李德裕祭言

禪師文云北固山乃此山之一支也山下有龍目湖

上有平水大王廟○宋鮑照從拜陵登京峴詩孟冬

十月交殺威陰欲終風烈無勁草寒甚有凋松軍井

水晝結士馬羶夜重晨登峴山首霜雪凝未通息鞍

循隴上支劔望雲峰表裏觀地險昇降窅天容東嶽

覆如礪瀛海安足窮傷共良永矣馳光不再中衰賤

謝遠願疲老還舊邦深德竟何報徒令田陌空○國

府

志 卷二

五

朝王禕望京峴山有作艤舟大江口矯首京峴山

色近目睫洩雲護層巒吾鄉忠簡公丘隴在其間嗚

呼靖康亂九鼎紛播遷建炎既南狩國事已艱難公

方任社稷百戰心力殫神州將全壁抗疏請迴鑿大

誼表日月裏言披膽肝誰歟獨何心忍使棄中原星

殞孔明死王業遂偏安惟留忠誠節宇宙垂不刊遺

墳托茲土孰敢樵牧干客塗有程期無由拜荆管遺

武幸可蹈英風杳難攀天昏白日落淒然洒清潯

釜鼎山

在府城東南四里中有大覺寺

雲騰山

在鶴林門外下有西嶽廟

黃鶴山 在府城西南三里一名黃鶴山俗名鴻鵠山

京口記曰有黃鶴山在縣界晉王恭為刺史改創西

南樓名萬歲西北名芙蓉樓至今存焉輿地志云俗

傳此樓飛向江外以鐵鎖縻之乃已則此山之名其

來已久而謂宋武帝微時游息於此有黃鶴飛舞其

上而得名者妄也南史戴顓世居剡中又徙京口止

黃鶴山宋文帝每欲見之曰吾東巡當晏戴公山下

故又名戴公山中有鶴林寺寺中有濂溪先生書院

磨笄山 在黃鶴山東南劉宋戴顓女於此磨笄誓不

適人因名

府志 卷二

菊花山 在城南三里

招隱山 在府城西南七里一名獸窟山劉宋處士戴

顓所居故名招隱或又以為昭隱謂梁昭明太子嘗

讀書於此石案猶存上有招隱洞下有招隱寺寺北

有真珠泉山東南有虎跑泉高五丈許深數尺鹿跑泉去虎跑二

十餘丈唐學士蔣防為銘又有昭明所開古井及王藥亭唐李德

裕玉藥花詩刻石在焉詩咏詳寺

鳳凰山 在仁和門外三里

寶蓋山 在府城西三里有三茅道院

福田山 在通吳門外中有大法興寺

洪山 在府城南六里有洪山寺

華盖山 在府城東南六里

峴山 在府城西南五里因建地藏寺於此山遂名九華山

檀山 在峴山之北

汝山 在府城東北十里

白兔山 在府城東南十五里有白兔山神廟及報親

庵墳廡也 一統志云宋刁約葬此有白兔躍出

唐山 在府城東南二十里宋刁約詩注唐山莊在白兔山側

長山 在府城南二十五里上有靈泉其流與練湖通

溉田甚多下有白龍王廟

府志 卷二 七

五州山 在府城西三十里相傳山絕頂望見五州宋

曾布詩天際林巒壓壽丘夾江旁瞰兩三州又云海

門西北起崇丘極目參差見五州蔡肇詩云西升崇

丘望崑崙見五州皆用此說然登山頂望惟真楊升

潤四州可見又不特此山為然文選顏延年車駕幸

京口詩云春方動宸駕望幸傾五州注謂九州之地

宋得其五按晉宋之間淮北遺黎僑寓江左疑五州

之民居此山左右故名也山有顯慈寺

黃山 在府城西南五里下有高安寺

曹山 在府城西五十里 成廟車駕渡江駐蹕山下

爲行朝三日臣民入覲賜膳遷擢

香山 在府城西三十里

大瀆山 在府城東三十里

娘子山 在府城東南三十里

兩山 在府城東三十里或云雲山見南史上有昭惠

廟

塔山 在長山南上有三真君廟

馬蹟山 在府城東南三十五里上有青童君馬蹟又

云白馬老君馬蹟在今紫府觀即第四十九福地也

中有福地鎮福石葛稚川鍊丹井山上有黃龍青龍

府志

卷二

八

二洞嘉定志馬蹟山有靈洞潛通華陽咸淳志黃龍

洞中舊有石泉一掬四時不竭近頗止澁青龍洞巉

巖欽嗽緣入其中冷然風生洞有大小石龍數條挂

石罅中時出青霧霧出即雨東有夏禹王廟

鐵爐山 在府城西四十里有翟公泉崇聖寺

靈山 在府城南四十里

覆船山 在府城西南五十里一統志舊志以爲即酒

罌山而梁武帝輿駕東行記以覆船酒罌高驪並列

則又似二山也

高驪山 在府城西南七十里亦名句驪山有句驪山



神廟名山記云高句麗國女來此海神乘船致酒禮聘之女不從海神撥舟覆酒流入曲阿故酒美三山之得名以此

道士山 在府城東北六十里

崙山 在府城西六十里

莫山 與崙山相近

阿育王山 在府城南六十里

華山 在府城東六十三里即樂府所謂華山畿者有

廣惠僊真觀及廣德王廟

花山 在府城東三里一名東山有花山寺及衛公園

府志

卷二

九

亭今廢○皇甫冉詩北固多陳迹東山復勝遊鏡聲發大道草色引行鷗此地何時有長江自古流頻隨

公府步南客寄徐州

蒜山 在府城西三里劉楨京口記曰蒜山無峯嶺臨

江魏文帝南望致歡宴字記曰山生澤蒜因以爲名

或云吳周瑜與蜀諸葛亮議拒曹操於此籌笑又曰

笑山陸龜蒙笑山詩周郎計策青宵定曹操樓船白

晝仄東晉末孫恩過海奄至丹徒率衆登蒜山劉裕

奔擊大破之投崖而死水死者甚衆唐劉展叛田神功

將三千軍于瓜洲將濟江復將步騎萬餘陳于蒜山

南唐徐知誥嘗遊蒜山除地爲廣場編虎皮爲大帳  
率僚屬會于下舊志又謂蒜山松林中可卜居蘇子  
瞻詩蒜山幸有閒田地着此無家一房客觀此則山  
舊寬廣可容萬人宋時猶可居止不知何年淪入于  
江今西津渡口水中孤峯是也山頂二翁亭久廢○  
顏延年侍車駕遊蒜山詩元天高北列日觀臨東溟  
入河起陽峽踐華因削成巖險去漢宇襟衛徙吳京  
流池自化造山關固神營園縣極方望邑社總地靈  
宅道炳星煒誕曜應辰明睿思纏故里巡駕市舊祠  
陟峯騰輦路尋雲抗瑤甍春江壯風濤蘭野茂莢英

府志

卷二

十一

宣游弘下濟窮遠凝聖情嶽濱有和會祥習在卞征  
周南悲昔老留滯感遺氓空食疲廊肆反稅事巖耕  
○鮑照蒜山被始興王命作詩暮冬霜朔嚴地閉泉  
不流玄武藏木陰丹鳥還養羞勞農澤旣周役車時  
亦休高薄苻好禱藻駕及時遊鹿苑豈淹睇兔園不  
足留升嶠晚日輓臨廼望滄洲雲生玉堂裏風靡銀  
臺阪陂石類星懸嶼木似煙浮形勝信天府珍寶麗  
皇州白日迴清景芳豔洽歡柔參差出寒吹飈戾江  
上謳王德愛文雅飛翰灑鳴球美哉物會昌衣道服  
光猷○許渾有蒜山津觀發軍詩又將赴京師蒜山

津送客還荆渚詩樽前萬里愁楚塞與皇州雲識瀟  
湘雨風知鄂杜秋湖平猶倚棹月上更登樓他日滄  
浪水漁歌對白頭

圖山 在府城東北六十里宋張世傑與元兵戰于江  
中樞退奔圖山即此山出火石有上下二箭洞下有  
東霞寺

銀山 在府城西江口舊名土山以山形壁立俗呼豎  
土山避宋英宗諱亦呼植土山劉禹錫詩土山京口  
峻即此元時建寺其上以與金山對峙易名曰銀山  
上有金雞嶺般若院浮玉亭與同亭天妃廟關王廟  
府志 卷二 十一  
褒忠廟其下第一村孫楚別墅也

金山 在大江中去城七里長山西北起爲五州山至

于下鼻浦名遂入江突而爲此山始名浮玉道經言自

王京諸峰若浮而至者周必大謂此山大江環繞風  
濤四起勢欲飛動故名一名互父山又名獲苻山晉  
破苻堅置其俘山下因名又名伏牛山唐志貢伏牛

山銅器亦名頭陀巖又名金山九域志云唐有裴頭

陀挂錫于此後建伽藍于水際獲金數鎰以聞賜名

金山頭陀巖記謂因李錡奏而易名 徐建中間揚州

陳少游以甲士臨江韓滉搃兵臨金山與少游會則

建中時已名金山非自錡始梁天監四年即金山修  
水陸會則金山之名自昔已傳又非始于建中矣宋

大中祥符五年改名龍游山天禧辛酉復舊山之頂

曰金鰲峯曰妙高峯東麓水中有鵲山孤石如蹲常

有鵲棲其上亦謂之鵲峯東麓之上為妙空岩硤硤洞豁

續廣數丈許國朝宣德中寺僧敏機作樓其下駟馬都尉沐昂書扁侍郎周忱記妙空轉東

北曰日照岩亦曰朝陽洞正德丙寅寺僧夢一衲告曰山有洞久塞吾正處其

中盍尋之僧窳討覓至一處榛莽蒼翳頗似有迹因鑿之果得一洞石壁有刻字曰日照若其下有鉢而

遺跡在焉乃水荃之構小樓其上東甍焦山海門天木無際萬頃一碧旭日初升正迎照之乃山之極巔

也其下水中有善財石孤挺敬側宛然禮敬善財之狀亦謂之鵲石

府志 卷二

傍有盤陀石蘇軾嘗遊其上又有詩云中冷南畔石

之石日照西北曰祖師巖一曰頭陀巖亦謂裴公洞

相傳即裴頭陀開山得金處昔有蟒盤據其中其南頭陀驅去之故又名蟒蛇洞嘗有僧入定于此

面西水中三石山奇峭險拔類斲削而成雖大水不

沒曰石排山亦曰石牌其上多昔人鐫刻水嚙苔侵

悉不可辨盛夏有大蛇莫知其數盤結於木陰間相

傳上有郭璞墓按韻書排與渾通此山皆巉石隱出水面若木渾然故名元延祐間總管

段廷珪言揚子江古號天塹舟到金山急流處謂之構渾泰定開臺臣檄云金山盤渦旋激號為大渾險

之甚者似又不專指是山矣郭璞墓之下有中冷泉大雄殿之西

南有井亦曰中冷泉詳泉汪藻云前臨滄海却倚大江

獨立無朋以天爲際風濤朝夕赴其吞吐日月晦冥  
環其左右攬數州之秀於俛仰之間而下盤魚龍之  
宮神靈之府蓋宇宙奧區古今勝處也○長編建炎  
四年夏兀木回至鎮江韓世忠提兵駐揚子江金山  
以邀之虜衆數萬世忠戰士纔八千兀木約日會戰  
世忠募海船百餘艘泊金山下預命工鍛鐵爲長纆  
貫一大鈎比合戰世忠分海舟爲兩道每縋一縋則  
曳一舟而入虜不得渡以輕舟絕江而遁俘獲殺傷  
甚衆○唐張祐詩一宿金山寺微茫水國分僧歸夜  
船月龍出曉堂雲樹影中流見鐘聲兩岸聞因悲在

府志

卷二

十三

城市終日醉醺醺○沈括詩樓臺兩岸水相連江北  
江南鏡裏天蘆管玉簫齊送夜一聲飛斷月如煙○  
楊蟠金山詩世上蓬萊第幾洲長雲漠漠鳥飛愁海  
山亂點當軒出江水中分遠檻流天遠樓臺橫北固  
夜深燈火見揚州回船却望金陵月獨倚牙旗坐浪  
頭○王安石次韻平父金山會宿寄親友詩天末海  
雲橫北固煙中沙岸似西興已無船舫猶聞笛遠有  
樓臺祇見燈山月入松金破碎江風吹浪雪崩騰飄  
然欲作乘桴計一到扶桑恨未能○蘇軾寄佛印詩  
我欲乘飛車東訪赤松子蓬萊不可到弱水三萬里

不如金山去清風半帆耳中有妙高臺雲峯自孤起  
仰觀初無路誰信平如砥臺中老比丘碧眼照窻几  
巉巖玉爲骨凜凜霜入齒機鋒不可觸千偈如翻水  
何須尋德雲卽此比丘是長生未暇學請學長不死  
○郭正祥遊金山詩金山杳在滄溟中雪崖水柱浮  
僊宮軋坤扶持自今古日月髣髴纏西東我泛靈槎  
出塵世搜索異境窺神工一朝登臨重大息四時想  
像何其雄卷簾夜閣掛北斗大鯨駕浪吹長空舟摧  
斷岸豈足數往往霹靂鋌蛟龍寒蟾八月蕩瑤海秋  
風上下磨青銅鳥飛不盡暮天碧漁歌忽斷蘆花風

府志

卷二

十四

蓬萊人聞未成往壯觀絕致遙應同潮生潮落夜還  
曉物與數會誰能窮百年形影浪自古便欲此地安  
微躬白雲向來入我坐又起歸興隨征鴻○虞謙遊  
金山詩樓閣崢嶸面面開天然圖畫若蓬萊塵埃不  
向山中住日月常從海上來神女散花朝作雨老龍  
出壑夜聞雷願將第一中冷水遙獻吾皇萬壽杯

○高鑑宿金山詩老月西飛萬里天半江寒浪鎖空  
煙斷鼉閣水疑無地古樹撐雲信有年湖海夢魂孤  
鶴遠軋坤身世一匏懸中宵未敢舒長嘯只恐蛟龍  
悞穩眠○鄭善夫金山紀遊詩瀟瀟中冷水東遊與

散愁樓臺通海霧歲月送江流好事憐司馬逃空想  
惠休獻花綠尚淺心折過揚州○王叔杲金山詩騁  
望臨高閣無邊景色新洪濤翻日月紺宇出風塵形  
勝連三島人煙絕四隣坐來忘去住何必問迷津○  
王用賓金山詩孤峯標偉觀躋覽翹春暉滿酌引滄  
海高歌凌翠微礪寒花欲墮巖靜瀑常飛我欲從茲  
隱雲山問衲衣○屠隆金山夜詩山枕寒濤秋氣澄  
眼中一帶望金陵東南澤國雲長抱吳越江帆客自  
登海色遙連三島樹風塵不到六朝僧空堂寂寞魚  
龍夜明月還來照紫藤

府志 卷二

五

焦山 在郡城東北九里大江中與金山並峙相去十

五里以漢處士焦光所隱得名

見圖經及類集然舊記古詩無言光隱京

口或名譙山

寰宇記通典皆有譙山或宋之問詩成入海中疑卽此山而江淹焦山詩本

亦作譙今京口無譙山是可疑也

亦名浮玉

今岩石有古刻浮玉二一在石屏石之側一

在三詔洞之右而金山祖師岩石壁亦有之意金龕浮玉其稱最古而互名踵譌後莫之考耳

山之

餘支東出分峙於鯨波瀾森中曰海門山舊名海門

關又曰海門國唐詩稱松寥夷山卽此亦謂之雙峯

山巔盤礴處曰焦僊嶺曰禮斗壇其下南麓有燒丹

井下有焦山渡山之西畔曰觀音岩南曰羅漢岩

巖巖其下小塔對峙于水際石上宋理宗書羅漢岩三字刻于石亦曰羅漢洞

西南曰瘞

鶴岩

今渝于山中壯觀亭之左曰羲之岩又有海雲巖

今莫知其處

西南半麓有三詔洞深廣幾二尋相傳以傍

有棧道岩

舊刻棧道數字隱隱苔壁間而岩磴崎嶇

下水際有角觝石釣魚臺石石磴之側有石屏石吳

傳用書石屏二瘞鶴岩之側有霹靂石旁有宋吳璠大

義之岩之東有鑽丹石圓夷徑咫尺有半中一窺閣而

山之西北隅林木陰翳人跡罕至碧槐灣在焉東北

隅煙梢霧篠叢密蔽翳境甚幽僻青玉塢在焉中有

普濟寺山比金山差大而寺當其一面故土人有焦

山山巖寺金山寺巖山之語曾改以瘞鶴銘恭邕焦

府志

卷二

七

光贊王瓚江淹詩為山中四絕云○齊江淹與陸東

海焦山述懷詩杳杳長役思思來使情濃恒忌光氛

度藉蕙望春紅青莎被海月朱華冑水松輕氣曖長

岳雄虹赫遠峰日暮嶠嶷合參差綵雲重永願白沙

渚游行遂相從丹山有琴瑟不為憂傷容○唐王瓚

詩江外水不凍今年寒洩遲衆芳且未歇近臘仍袂

衣載酒適我情興來趣漸微方舟大川上環酌對落

暉兩片青石稜中際無因依三山安可到欲到風引

歸滄溟壯觀多心目豁暫時况得窮日夕乘槎何所

之○李白焦山望松寥山詩石壁望松寥宛然在碧



霄安得五彩虹駕天作長橋仙人如愛我舉手來相  
招○宋蘇軾自金山放船至焦山詩金山樓觀何耽  
耽撞鍾擊鼓聞淮南焦山何有有脩竹採薪汲水僧  
兩三雲霾浪逐人跡絕時有沙戶祈春蠶我來金山  
更留宿而此不到心懷慙同游盡返決獨往賦命窮  
薄輕江潭清晨無風浪自湧中流歌嘯倚半酣老僧  
下山驚客至迎笑喜作巴人談自言久客忘鄉井只  
有彌勒爲同龕困眠得就紙帳暖飽食未厭山蔬甘  
山林饑餓古亦有無田不退寧非貪展禽雖未三見  
黜叔夜自知七不堪行當投劾謝簪組爲我佳處留

府

卷一

七

茅庵○韓元吉遊焦山詩荒村日晴雪猶積繫船焦  
公山下石江翻斷崖石破碎莖鶴千年有遺跡瘦藤  
百級躋上方浮玉南北江中央檣竿如林出煙浦酒  
船遠與帆低昂老鷗盤風舞江面殺氣淮南望中見  
神龍只作水底眠爲洗乾坤起雷電觀音岩前竹十  
尋大士不死如此心醉歸更換殷七七剩種好花開  
鶴林○張耒遊焦山詩焦山如伏龜萬古浸碧浪舉  
頭北顧海尾負金刹壯我開城東樓委蛇日相向松  
杉數毛髮人物見下上欲携浮丘公攜慙恣潛漾仙  
風如見引金闕或可訪○元郭天錫宿焦山上方詩

楊子江頭風浪平焦山寺裏晚鐘鳴爐煙已斷燈花  
落喚起山僧看月明○薩都刺焦山方丈詩江風入  
霜林寒葉下疎雨蕭蕭復蕭蕭可聽不可數山僧爾  
何竒呼童掃行路到處覓秋聲肩輿下山去○國朝  
楊一清重遊焦山詩洞口孤雲面而生百年身世坐  
來清一般月色金山寺十里煙光鐵甕城江閣雨餘  
秋水濶海門風定暮潮平青山潦倒虛名在恥向沙  
碛問舊盟○王守仁遊焦山詩長江二月春水生坐  
沒洲渚浮太清勢挾驚風振孤石氣噴濁浪搖空城  
海門青峴楚山小天末翠飄吳樹平不用凌颼躡圓

府

志

卷二

六

嶠眼前魚鳥俱同盟○丁璣焦山詩西風已到菊花  
時江水江雲動遠思遊興一如秋色淡孤懷只許老  
僧知玄黃不瘞波心鶴歌側長摩石上詩爲語焦君  
莫相笑渭川寧遣髮成絲○呂高和王侍御遊焦山  
詩鼓枻頻看寶地遊深栝何事數淹留龍宮水月棲  
禪定鷺領鶯花散客愁江樹近依香殿合海雲常護  
法堂流從今我亦靈丘隱三詔何須到潤州○張佳  
胤擬登焦山風浪不果詩孤峯東插海門青眼底煙  
波動杳冥不爲雄風翻巨浸好將片席破滄溟江天  
虛擬磨崖賦石壁誰探瘞鶴銘自是勝遊難並得豈

應詞客妬山靈○張祥鳶焦山看雨詩其一秋風江  
上采芙蓉浮玉山高紫翠重亭吸濤聲天萬里窻含  
海氣雨千峯拂簷帆過飄清磬隔水雲歸濕暝鐘一  
卧山中高士榻十年回首愧塵容其二青山重到十  
年遲曲磴盤雲赴杖藜海月元知秋半好江峯翻愛  
雨中奇紺園四浸濤聲合翠壁孤懸石勢危最是徵  
君高隱處瑤花瑤草共襟期○史繼志題焦山郭山  
入集鳳臺詩其一焦君洞口郭公臺鳳舉秋旻嶽色  
開千樹竹梧萬枝王肯教丹詔再銜來其二海天霞  
散赤城標臺上幽人坐晚潮露白月明雙鳳下不從

府志

卷二

十九

羸女聽吹簫

石公山在府城東北八里瀕江與焦山對峙下有送江  
一亭威輔堂石公山神廟駱駝嶺在郡城五條街西  
北今爲路其跡猶存金雞嶺在城西五里甘露  
一嶺在北固山三里岡二一在郡城南三里一在城  
西三里望城岡在城東南長岡在丹徒鎮東南  
一里朱灣岡在諫壁鎮東南七里白龍岡在城  
南詐輪岡在城西南分流岡未詳所在烏岡  
在城西南湯岡在城西黃墳岡在城西五里  
夾岡在城東南樂亭岡在城西三十里

丹陽諸山

經山在縣東北三十五里相傳有異僧講經于此故名

上有金牛洞亦名金牛山亦名金山山頂巖險奇峭

入則甚大中分三路漸入漸深一路直入東向一路斜穿東向一路倒上山頂中有石座宛若芙蓉月鑿潔

愛山下有經山泉崇教寺寺舊經山院也王存作佛殿記寺

前有銀杏一株相傳晉時物 白路山 在經後山沈

山在經山東七里舊名簸箕山南唐吏部郎沈彬為

處士時所居也中有廣教寺寺左偏抵堂百步而北

有石壁削立千仞若環翠屏即處士庵也山下有赭

山丹井按彬本傳隱居雲陽山中乃湖湘間之雲陽山非是丹陽山也繡毬山在

府志 卷二 二

縣東北三十六里三山相連形似繡毬故名上有白

鶴泉東行二十里入九曲河 陳山在縣東北四十

里下有玉龍泉 水漸山在縣東北三十七里 黃

連山在縣東北三十八里相傳上有黃連樹其大十

圍故名 李家山在縣東北三十五里山前有彭泉

南流二十五里入九曲河下有靈顯祠 武山在縣

東北四十里因武姓居其下得名 管山在縣東北

四十里管姓居其下得名 雞籠山在縣東北三十

五里形似雞籠 九靈山在縣東北四十里九峯相

連下有桃花澗仁靜觀唐魏法師嘗居此 周山在

九靈山西 金雞山在縣東北四十五里下有顯忠

廟 許山在縣東北四十五里 嘉山在縣東北四

十五里中有龍湫大旱不涸善利王廟在焉即龍祠

也廟東有嘉山寺 倪山在嘉山後 卯山在縣東

北四十里 鳳山在縣東北四十里嘉山東 鳳凰

山在縣東五里 馬鞍山在縣東四十五里 巖山

一名白雲山在縣東北五十里 黃泥山在縣東北

五十二里 爛石山在縣東北五十三里 西腰通

山在縣東五十四里 獨山在縣東五十五里 固

山在縣東五十五里前有普濟院 鍊銅山在縣東

府志 卷二

三

北三十五里 彭山在縣東三十五里下有龍池靈

異祠名顯濟 寶塔山在縣東四十里西有徐家山

泉 眠山在縣東北四十里即龍眠岡 北山在縣

北七里灣 觀音山在縣東北三里一名惠山中有

玉乳泉廣福院一碧萬頃亭○丁一中觀音山亭同

張道卿作出郭聯鑣及暮秋造從塵外得清游山曾

過雨峯逾碧木已迎霜葉尚稠談笑偶逢詞賦客飄

揚如遇偓佺儔坐憐錦石滄波晚欲共亭前明月留

勝金山在縣東北四十五里上有廣東聖母廟

白鶴山在縣西十里孫鍾墓在焉前有支子岡 隨

駕山在縣東北五十里經山之西 論山未詳所在  
道書謂是第三十八福地

北岡在縣北一十八里練湖上即秦時鑿處 大夾岡

在縣北二十五里下臨運河 青石岡在縣東北四

十里 石人岡在縣東北三十五里 前岡在縣東

北四十里 毳子岡在縣東北四十五里 西岡二

一在縣西三十里一在縣東十五里山城 南岡在

縣南四十五里 支子岡在縣西十里孫鍾墓前

黃連岡在縣西南二十五里 耿岡在縣東北十五

里孝感寺後 朱滕岡在縣東四十里嘉山前 山

府志 卷二

五

岡在縣東三十五里 大泊岡在縣東北一十八里

五聖墩在龍山後 道人墩在練湖內 雞卵墩在縣

東北五里 郎墳墩在縣東北五十里經山後 千

墩在縣東南七十里十三都

金壇諸山

龍山在縣南五里前望白龍蕩故名一名烏龍山俗

呼土山山上有圓通庵大聖塔五顯靈官廟漢壽亭

侯祠○丁酉年十一月 太祖東征嘗駐蹕焉題樂

府於寺壁云望西南隱隱神壇獨跨征車信步登山

命詞臣續之曰煙寺迂迂雲林鬱鬱風竹珊珊塵不

染浮生九寰客中有僧舍三間他日偷閒花鳥娛情  
山水相看今勒碑亭中

知縣劉美書

有傳敬者初授金壇

令陞辭 上諭之曰金壇有橫山一座朕嘗臨幸即

此山也○邑人王樵賦曰莫言山小如一拳華不注

山亦超然山純石而無樹爰特起乎平原藹蒼蒼之

翠色無遠近而皆妍惟上古洞天之八有金壇華陽

之天三峰西繞諸水北纏江潮貫城而南下洮湖浩

渺乎東偏伊誰爲之作鎮惟茲山鎖鑰乎中堅山不

高而遠近獻狀水不深而千頃平田與相曲折而回

旋陽羨金淵漁歌釣艇款乃吳船相與出沒乎遠水

府志 卷二

三

輕煙南窻一歲九熟利兼漁稼而拱其右九里隔河

百家蔽遮雲樹而當其前葭蘆萬而洲渚相望亮鷺

隨風而淡澹菱荷高而紅翠相錯芙蓉出水而妍

魚便藻密鷺慣沙圓星羅棋布斷而復連凡諸景皆

茲山之所有可與濟南之華鵲並駕而爭先矧 高

皇昔嘗駐蹕 宸章揭雲漢而高懸配周宣之石鼓

雖萬世其猶傳然則茲山之所托以不朽者豈若驪

以秦而辱彼小而靈者謂待於有僊歟

南窻九里首地名

茅山在縣西六十五里即道家所謂第八洞天第一福

地金陵地肺者是也山形似已故名已山亦名句曲

山又名岡山漢景帝時茅濛曾孫盈固衷得道來治

其上故名三茅山太元真人內傳曰江水之東金陵之左右間有小澤澤東有句曲之山此山洞虛內觀

內有靈府洞庭四開穴岫長連古人謂爲金壇之虛臺天后之便闕清虛之東窓林屋之隔沓衆洞相通

陰路所適七途九源四方交達真洞僊館也陶隱居云小澤即今赤山湖從江東直對望此山又云秦時名爲句金之壇以洞天

內有金壇百丈因以致名外又有積金山亦因積金爲壇號矣漢三茅君往乘白鶴各集山之三處時人

互有見者是以發于歌謠乃復因鶴集之處分爲大府志卷二

茅君中茅君小茅君三山焉山東及南屬金壇山西

及北屬句容○王長史登茅山大慟哭曰琅琊王伯

輿終當爲情死○陶弘景性愛山水每經澗谷即坐

卧其間吟咏盤桓不能自已謂門人曰吾見朱門廣

廈雖識其華樂而無欲往之心望高巖瞰大澤知此

難立直恒欲就之又特愛松風庭院皆植松每聞其

響欣然爲樂有時獨遊泉石望見者以爲仙人嘗答

謝中書云山川之美古今共談高峯入雲清流見底

兩岸石壁五色交輝青林翠竹四時俱備暗霧相歇

猿鳥亂鳴夕日欲沉沉鱗競躍實是欲界之仙都自



康樂以來未有能與其奇者又答詔問詩山中何所有嶺上多白雲祇可自怡悅不堪持贈君○邵陵王蕭綸入山尋栢清遠不遇詩荆門丘壑多蘿牖風雲入自非棲遁情誰堪霜露濕○栢法闈初入山作寒谷夜將晨置賞復尋真方壇垂密葉澈水度朱鱗杳林雖伏獸芝田詎俟人丹成方轉石鑪變欲銷銀管知勝地遠于此絕囂塵○儲光羲詩平生非作者望古懷清芬心以道爲際行將時不群茲山在人境靈覬久傳聞遠勢一峯出近形千嶂分冬春有茂草朝暮多鮮雲此去亦何極但言西日曛○權德輿春遊

府

志

卷二

三五

茅山酬杜評事見寄詩喜得賞心處春山豈計程連谿芳草合半嶺白雲晴絕澗飲水碧山壇挹漱清懷君在人境不共此時情○陸龜蒙詩月午山空桂花落葦陽道士雲衣薄石壇香散步虛遲杉露泠泠滴栖鶴○劉言史詩擾擾浮生外華陽一洞春道書金字小仙圖王苗新芝草迎飛燕桃花咲俗人樓臺爭聳漢雞犬亦嫌秦願得青芽散長年住此身○杜甫鶴詩步步入仙門仙家鳥徑分漁樵不到處麋鹿自成群石脚迸出水松頭穿破雲道人星月下相次禮茅君○趙嘏茅山道中詩溪樹重重水亂流馬嘶殘

兩晚程秋門前便是仙山路目斷寒雲不得遊○范仲淹將赴南徐任游茅山有作丹陽太守意何如先謁茅卿始下車展節事君三黜後收心奉道五旬餘因尋靈藥逢芝圃欲叩真關借王書不用從人問通塞天教吏隱接仙居○盧摯遊茅山詩馬上微風散薄陰王笙吹客過華林山中宰相杳何許日暮碧峯雞犬音○顧璘登茅峯詩迢遞三峯得峻躋到宮惟見衆山低天池水碧蒼龍伏巖樹風高白鷗棲雲際瑤壇開日月林間丹井隱虹霓仙人只在華陽境桃葉桃花咫尺迷○王寵送客遊茅山詩餐霞懷往哲

府

志

卷二

三

采秀歷名山五嶽披雲近三花拂洞開鶯歌飄象外鳥篆落巖間日夕望真氣青牛應駕還○張佳胤遊茅山詩真搜金檢遍諸峯一卧匡牀萬壑鐘不散紫煙留杖屨將因明月枕芙蓉逃名漫說山中相削迹應投物外踪聞道岷峨通句曲冠纓吾已挂長松○虞書遊茅山詩野人貪勝覽載酒答新晴行到花深處忽聞山鳥鳴石潭春水滑雲谷午風輕已得壺中趣何煩身外名○唐鵬遊茅山詩一歲清明節三峯句曲山石闌偏霧雨野客自躋攀飛蓋蓬蒿外披榛象緯間裴徊不能去吾欲駐吾顏

大茅山在元符宮南最高處道家言是司命君白鶴所  
集處定錄君受言有玄帝時銅鼎鼎可容四五斛許  
偃刻甚精好在山獨高處入土八尺許上有磐石拚鼎  
上玄帝時命東海神埋藏于此山頂常現神光謂之  
丹光一曰天燈舊有石壇石屋今爲殿宇祀三茅君歲  
以三月十八日十二月二日爲司命游盼之會四方之人來  
山禮覲盛作靈寶齋中今古弗渝也祠左有龍池小  
龍數十游其中類蜥蜴腹微赤每旱取水禱雨輒應今澗  
中茅山在積金山北長嶺獨高處定錄君受言司命君  
埋西胡玉門丹砂于此深二丈許埒上四面有磐石  
府志 卷二 二七

鎮其上石上有徐錯篆字其山左右當泉水下流皆  
小赤色飲之益人山下左右有小平處可堪靜舍

小茅山在中茅北上有臥龍松左紐檜太元內傳曰王  
莽地皇三年遣使者童邕賈黃金王帛獻三仙君俱  
瘞絕頂上有聚石壓之

積金山在元符宮之陰定錄君受言大茅後中茅前相  
連長阿中有連石其處宜人住可索有水處爲屋室  
靜舍乃佳快可合丹以脩上道隱居曰此卽隱居今  
所住處東面一橫壟純是石石形其瓌竒多穿穴西南  
有大石壁聳而折開內有洞入數丈漸狹小不復容人乃颺

颺而有風○金蘭山定錄君受言句曲支山有名茵  
山此山至佳隱居時已不知所在而山志以大茅後  
積金東凹獨小山當之○華姥山在崇禧宮南昔女  
仙人孫寒華修道于此有廟久廢此山夜中多見光  
景或以爲丹芝靈氣○丁公山在崇禧宮之陰相傳  
漢初丁令威仙舉其上○丁山在拱辰峪東○虎爪  
山在丁山西○雷平山在雷平池上周時有雷氏豢  
龍來此○鬱岡山在小茅東北一名大橫山林木蔽  
翳望之鬱然故名名山記所謂岡山是矣昔李明于  
此合神丹而升玄洲水邊今猶有處所○方隅山真

府志

卷二

三八

誥云雷平之東北良常之東南其間有燕口三小山  
相隅名方隅山古人曾合九鼎丹于此幽人在世時  
心常樂居焉今嘗游此幽人許椽自謂也○三公山  
在燕口洞東南○青山在鬱岡東其西一山名西青  
山○麻姑山在鬱岡西○銜珠山在雷平南俗呼獨  
女山○獨公山在小茅北○小竹山在小茅東○良  
常山卽茅山之北垂也太元內傳曰始皇三十七年  
出游自會稽還遂登句曲北垂山埋白璧一雙李斯  
刻書壁其文曰始皇聖德平章山河巡狩蒼川勒銘  
素壁于是會群臣饗從官始皇歎曰巡狩之樂莫過

山海自今以往良爲常也爾乃群臣並稱嘉歎曰良爲常矣又鳴大鼓擊大鍾萬聲齊唱洞駭山澤讚樂告兆大小咸善乃改句曲北垂曰良常之山又曰良常山西南有可住處是司命君往時別宅處也亦可合丹又曰良常東南又有可住處其間當累石如竈形間或有寄生樹如曲蓋形此處正好但恨淺耳雖爾自足洞口西北有一地小危不安要自足立外舍也○秦望山在丁角路良常東北小尖山上下俱路者是也始皇亦駐此山願望丘阜○龍尾山大茅一嶺東來宛如卧龍○三角山在華蓋峯北有王液泉

府志

卷二

三五

并菴○海江山在慶雲洞上洞東有丹谷泉

昔有道人取水

合丹童子易他水

○雲堆山在皇甫谷南○仙韭山

道人識之因名真誥姜叔茂種五辛菜以市丹砂隱居曰今呼爲韭

山在大茅西甚多大韭俗呼石龍山○鼈足山在仙

韭山西○大靈山小靈山並在鼈足山西○竹山在

疊玉峯南○吳山隱居曰自大茅南後韭山竹山吳

山方山從此疊障達于吳興天目諸山矣○方山真

誥大茅之西南有四平山俗所謂方山者也山頂平

衍四望皆方故名亦名挂榜山邑人呂江嘗隱于此

○青龍山元名蛤嶺山谷呼爲丫頭山在方山南十

餘里高三十八丈周五十里○飈輪峯大茅東連峰是也真誥昔東海青童君嘗乘獨飈飛輪之車駐此○五雲峯在小茅峰側華陽洞上峰甚峻相傳昔三茅君以三月十八日駕五色雲馭八景輿駐此逾時乃去○道祖峰在積金之陰○疊王峰在大茅東○華蓋峰在疊王東○白雲峰在中茅西○抱朴峰大茅北連峰是也上有葛洪煉丹處○長隱岡一名伏龍岡亦名死蛇岡在郭真人池南岍一壠長緩而隱障故名○柏枝壠在華陽洞南○桃花壠在小茅北林壑幽邃春時花卉紛敷不異武陵源也○拱辰峪府志

卷二

三十一

一名拱辰寨在中茅東北劉混康際遇元符官爲建宮仍勅江寧兵士二百人以充巡邏酒埽因立寨谷中故名○皇甫峪在三角山 植子峪在三角山北○黑虎峪在中茅小茅間長阿之西

陽洞

太元內博句曲之洞

宮有五門南兩便門東西便門北

大便門合五門也隱居云今山南大洞卽是南面之西便門東門似在栢枝壠中此良常洞卽是北大便門而東西並未顯定錄君受言東便門在中茅東小阿口則西便門應在今呼作石墳處也○茅洞在元陽觀石壇下卽南面之西便門○東便門在中茅山

東足錄君受言小穴纔如狗竇愈入愈濶外以磐石掩塞穴口故餘小穿如杯大使山靈守衛之勤齋戒尋之可入易于良常洞良常洞多沙路曲僻經水處不大便易又道路遠不如小阿穴口直下三四里便徑至陰宮東玄掖門自非已成仙人不得其門而入也○西洞在積金山東嶺下隱居所謂聽聽有風者也累朝金籙投龍簡于此○良常洞華陽北大便門也是爲保命君所治洞北石壇卽許棣燒香禮拜解化之處○李端詩花洞晚陰陰仙壇隔杏林漱泉春谷冷禱藥夜牕深石上開山酒松間對玉琴戴家谿

府

志

卷二

三

大

北住雪夜去相尋○劉長卿自歎陽觀至華陽洞下簡李延陵詩石林媚煙景句曲盤江甸南望佳氣濃峰峰遙隱見漸臨華陽口微路入蒼蒨七曜懸洞宮五雲抱深殿銀函竟誰發金液徒堪薦千載空桃華秦人深不見東溪喜相遇貞白如會商青鳥來去閒紅霞朝夕變一從瑩真骨萬里來飛電蘿月延步虛松風醉閒晏幽人卽長往茂宰應交戰明發歸琴堂知君懶爲縣○羅姑洞在金茵山西卽九疑山女仙羅郁也高居洞與羅姑洞並石限界之王柱洞在華陽西洞南中積石乳四面僅容人行華姥洞

在華姥山以孫寒華得名 鄧都洞在紫陽觀 小

青龍洞在小茅西朱砂泉上 天窓洞在積金山

碧岩洞在崇壽觀後洞之頂爲嶽峯亭古木危基存

焉下有曲水穴捫霞磴徐錯大篆石上 女仙洞在

碧岩洞東三十步穴口下視如簪井然相傳任真人

女得道變道于此 柏枝洞在金牛穴南昔人深入

聞太湖風濤鼓楫之聲 慶雲洞在海江山下 黑

虎洞在華陽南洞九錫碑之左 黃龍洞在九錫碑

之右 南斗洞在三角山 海泉洞在皇甫谷泉深

不可測 水龍洞在白雲峰下 燕口洞在方隅山

府志

卷二

三

中

之南淳祐五年巡檢使夏侯嘉真與建隆觀道士詣

洞投龍簡是夕雷震洞戶開一廳吏深入遇道士與

來禽一食之絕粒 方隅洞在方隅山上 夫子洞

在良常對山 方臺洞在方山下有洞室兩口見外

與華陽通號爲別宇幽館得道者處焉世呼爲白石

洞 青龍洞在青龍山有大口見外昔有人深入見

一大青蛇故名其洞宏廓深委非凡跡可至也

華蓋岩在石墨池 候仙岩在碧岩洞東數武 霧豹

岩在碧岩洞下 碧玉岩在丹谷泉上 衆真岩在

茅洞側 錢真人誦經岩在燕口洞上 金牛穴在



柏枝洞東山志及輿地志並云秦時採金獲金牛爲  
女子所觸遂擲而出取之不可逐牛至丁角地名因  
曰上欄下欄又曰奔牛牛奔入海不復覩之也 仙  
人捧石在大茅西垂石背有王液泉甘香微若乳色  
能已腹中諸疾人以其正白亦呼爲白泉

唐王山在縣西鹵三十里相傳唐太宗子葬于山左故  
名俗呼唐王土山 大滄山亦名大峒山在縣南三  
十里長蕩湖中屹然孤秀望之若浮故名又有小峒  
山山東南屬宜興西南屬溧陽周處風土記云洮湖  
中有大峒山卽此陶隱居尋山志云石孤聳以獨絕  
岸巒天而似浮

